

**BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
TUŽILAŠTVO SREDNJOBOSANSKOG KANTONA
Broj: T06 0 KT 0029451 21
Travnik, 27.09.2021. godine**

**Općinskom sudu u Bugojnu
Sudiji za prethodno saslušanje**

Na osnovu odredbe članka 45. stav 2. tačka i), član 241. stav 1. Zakona o krivičnom postupku Federacije Bosne i Hercegovine, p o d i ž e m

O P T U Ž N I C U

PROTIV:

- 1. Alen Avdić**, rođen 30.08.1986. godine,
- 2. Amer Avdić**, rođen 22.03.1991. godine,
- 3. Erdovan Mustafica**, rođen 07.09.1994. godine.

Što su:

Avdić Alen

Dana 20.03.2021.godine oko 20,30 sati, u ugostiteljskom objektu „TAVLA kod Heme“, u ulici 14 Septembar, općina Donji Vakuf, jednom licu nanio lake tjelesne ozljede a drugo lice teško tjelesno ozlijedo, na način da je nakon verbalne prepirke sa Erdovanom Mustaficom i njegovim ocem N.M., a vezao za prethodni nesporazum oko pozajmljivanja novca kada je Erdovan Mustafica pozajmio 200 Eura od njegovog brata Amera Avdića, uz obećanje da će novac brzo vratiti, a što nije učinio, izrevoltiran takvim postupkom, u namjeri da drugoga tjelesno ozljedi, iako svjestan da može drugoga tjelesno povrijediti, što je i htio, nakon što je prišao do Erdovana Mustafice i zadao mu nekoliko udaraca zatvorenom šakom u predio glave, potom prišao i do prisutnog N.M., kod kojega se već nalazio njegov brat Amer Avdić u verbalnoj raspravi, te također u namjeri tjelesnog ozljeđivanja drugoga, otpočeo fizički napad na istoga, na način da ga je uhvatio rukama za vrat, zatim ga oborio na tlo, više puta udario nogama i rukama u predjelu glave i lica, u čemu mu se, sa istom namjerom pridružio i Amer Avdić da bi u tom momentu, kada je uočio da je Erdovan Mustafica, bilijarskim štapom, zadao udarac njegovom bratu Alenu Avdiću, prišao ponovo do Erdovana Mustafice i u namjeri tjelesnog ozljeđivanja drugoga, svjestan radnji koje poduzima i činjenice da mogu prouzrokovati zabranjene posljedice, htijući njihovo nastupanje, zatvorenom šakom više puta u predio glave udario Erdovana Mustaficu, na koji način je i N.M., zajedno sa Amerom Avdićem, nanio teške tjelesne ozljede u vidu nagnječenje poglavine i lica, oguljotine kože iznad lijeve obrve krvnog podljeva sa otokom ispod oba oka i prijeloma donje čeljustne kosti na tri mjesta, a Erdovanu Mustafici, sam nanio lake tjelesne ozljede u vidu nagnječenja poglavine, razderno nagnječene rane u području lijeve obrve i krvnog podljeva iznad i ispod oba oka,

dakle, sa namjerom drugog teško tjelesno ozlijedio i sa namjerom jedno lice lako tjelesno ozlijedio.

Čime je počinio: krivično djelo Teška tjelesna ozljeda iz člana 172. stav 1. KZ F BiH, u vezi sa članom 31. istog Zakona i krivično djelo Laka tjelesna ozljeda iz člana 173. st. 1. KZ FBiH.

Amer Avdić

Dana 20.03.2021. godine oko 20,30 sati, u ugostiteljskom objektu „TAVLA kod Heme“, u ulici 14 Septembar, općina Donji Vakuf, drugo lice teško tjelesno ozlijedio, na način da je nakon verbalne prepirke sa Erdovanom Mustaficom i njegovim ocem N.M., a vezao za prethodni nesporazum oko pozajmljivanja novca kada je Erdovan Mustafica pozajmio 200 Eura od njega, uz obećanje da će novac brzo vratiti, a što nije učinio, izrevoltiran takvim postupkom, u namjeri da drugoga tjelesno ozlijedi, svjestan da svojim radnjama može prouzrokovati tjelesno ozljeđivanje drugoga i htijući takvu posljedicu, prišao do prisutnog N.M., te u namjeri tjelesnog ozljeđivanja istoga, istome se obratio riječima „Neri jesi ti to mangup“, pa kada im je prišao i Amer Avdići, koji je N.M. uhvatio za vrat i oborio na pod, više puta ga udario nogama i rukama u predjelu glave i lica, na koji način mu je zajedno sa Alenom Avdićem nanio teške tjelesne ozljede u vidu nagnječenje poglavine i lica, oguljotine kože iznad lijeve obrve krvnog podljeva sa otokom ispod oba oka i prijeloma donje čeljustne kosti na tri mjesta,

dakle, sa namjerom drugog teško tjelesno ozlijedio.

Čime je počinio: krivično djelo Teška tjelesna ozljeda iz čl. 172 st.1 KZ F BiH, u vezi sa čl. 31 istog Zakona.

Erdovan Mustafica

Dana 20.03.2021. godine oko 20,30 sati, u ugostiteljskom objektu „TAVLA kod Heme“, u ulici 14 Septembar, općina Donji Vakuf, drugo lice lahko tjelesno ozlijedio, na način da je nakon verbalne prepirke sa Amerom Avdićem i Alenom Avdićem, a vezao za prethodni nesporazum oko pozajmljivanja novca kada je pozajmio 200 Eura od Amera Avdića, uz obećanje da će novac brzo vratiti, a što nije učinio, pa kada je nakon verbalnog sukoba, uočio fizički napad na svoga oca, u namjeri da odbije takav napad ali i da nanese tjelesne ozljede drugome, drugoga tjelesno ozlijedio, tako što je bilijarskim štapom zadao udarac Alenu Avdiću u predio glave i tom prilikom mu nanio lake tjelesne ozljede u vidu razderno nagnječne rane u području gornje i donje usnice i nagnječenja desne šake,

dakle, sa namjerom jedno lice lako tjelesno ozlijedio.

Čime je počinio: krivično djelo Laka tjelesna ozljeda iz člana 173 st. 1 KZ FBiH.

KANTONALNI TUŽILAC

